



Пётрин бичсн хойрдгч бичг

Нүр үг

Эн бичгэн Пётр түрүн христианмуд болсн цуг эмтнд илгэжэнэ. Терүндөн деми багшнрин болн ичр уга улсин өмнэс сөрлт кех төр тер тэвжэнэ. Тер төрмүдт зуг Бурхна медрлэр бөөсн улс хэрү авчана. Исусиг үзсн, Терүнэ ном соссн улс тиим медрлтэ. Христос дэжж иршго гижэх улсин ном Пётриг дегд үүмүлжэнэ. Кен чигн күн бичэ үктхэ, цугтан авртха гижэх Бурхна седвэр Исусин хэрү ирлһиг бэржэнэ.

Учр-утхин зура

Нүр үг 1.1–2
Христианмудын дуудвр 1.3–21
Деми багшнр 2.1–22
Христосин сүүлнц ирлһн 3.1–18

Мендлһн

1 Би Шимон Пётр Исус Христосин зарц болн апостол эн бичгиг таднд бичжэнэв. Тадн мана Бурхн болн Аврач Исус Христосин үнн чик бөөдлэр дамжад, маднла эдл үнтэ иткл авсн улс мөн. ²Бурхн Эврәннь болн мана Деед Эзн Исусин туск медрлэр дамжад, хөөрлтэн болн амулң жирһлэн таднд элвгэр өгтхэ!

Бурхна дуудвр болн шүүж авлһн

³Бурхна таалар бөөхин төлэ цуг кергтэ юмиг Бурхна күчн маднд өгсн. Бурхна туск медрлэр дамжад тиигсн. Эврәннь туурмжарн болн күчтэ үүлэрн маднла хувалцхар Тер мадниг дуудсн*. ⁴Энүгэр дамжад Бурхн маднд алдр болн үнгэ юм өгх

* Бурхн Эврәннь туурмжарн болн күчтэ үүлэрн дамжад мадниг дуудсн.

гисмн. Тадниг кү үрэдг орчлнгин му седвөрмүдэс сулдад, Бурхна бөөдлд орлцж чадтха гиж тиигсмн.

⁵⁻⁷Эн учрар эврәннь итклдэн сэн седклтэ бөөдл немхэр зүтктн, сэн седклтэ бөөдлд медрл, медрлд бийэн бэрлнн, бийэн бэрлннд тесвр, тесврт Бурхнд нерэддг бөөдл, Бурхнд нерэддг бөөдлд ахнр-дүүнрин цаһан санан, цаһан сананд дуриг немтн. ⁸Кемр цуг эн тана седклд тогтж өсхлэ, тадн Исус Христосиг медлннд күцэмжтэ болн олзта болхит. ⁹Кемр цуг эн седклд уга болхла, тиим күн сохр эс гиж мууһар үздг күн мет болна. Тер урдк килнцэсн цеврлгдсэн мартв.

¹⁰Тегэд ахнр-дүүнр, Бурхн таниг шүүж авсиг болн дуудгсиг лавлхар улм икэр шунтн. Яһад гихлэ, иигж кехлэ, тадн кезэчн бүдрж уншгот. ¹¹Тиигхлэ Мана Деед Эзн Аврач Исус Христосин мөнк орна үүдн тана өмн икэр секгдх.

¹²Тадн цуг энүг медвчн, авсн үндд багар итквчн, би таднд эн тоотыг оньдиндэн тодлунав. ¹³Зуг би әмд бөөтлөн таднд энүг тодлухла, чик болх гиж санжанава. ¹⁴Удл уга бас эн цогцан үлдәһәд, насан бархв. Тиигж нанд Мана Деед Эзн Исус Христос медүлв. ¹⁵Намаг өнгрснә хөөн энүг тадн оньдиндэн тодлж йовтха гиж би арһ-чадсарн цугинь кехв.

Христосин туурмжин туск герчлһн

¹⁶Исус Христосин күчнә тускар болн Терүнә ирлһнә тускар келхләрн, бидн күүнә уханаһ харһсн туульһ олзлж келсн уга биләвидн. Түүнә алдр туурмжиг бидн нүдәрн үзләвидн. ¹⁷⁻¹⁸Бурхн Эцк Христосиг күндлөд туурулсн цагт бидн Терүнлә хамдан әрүн уул деер биләвидн. Мадниг тенд бөөсн цагт Деед Эзнә туурмжин дун Исуст иигж келсмн: «Эн Мини хә-әртә Көвүн. Эн Намаг байрлулна». Бидн эн дууг теңгрәс соңсвидн.

¹⁹Эн учрар бидн әәлдәчнрин үгд улм икәр нәәлжәнәвидн. Тадн энүнд оньган өгсндтн йир чик юмн, яһад гихлэ, эн үг харһуд шачах герл мет. Әдр ирхин өмн, өрүни одн тана седклд герл өгхин өмн әәлдәчнрин үгмүд герл өгч гилвкнә. ²⁰Хамгин түрүнд тодлтн: Бурхна Бичгт бөөсн әәлдхлиг күн эврән цәәлһж чадхш. ²¹Яһад гихлэ, әәлдхлин үгмүд күүнә дурар келгддг бөөж. Зуг Әрүн Сәкүсәр залгддг улс әәлдхлиг Бурхнаһ келдг бөөж.

Деми багшнр

2 Өмтнэ дунд деми аэлдэчнр бас бээдг билэ. Ода чигн тадн дунд бас деми багшнр нарч ирх. Тедн итклиг уга кедг буру ном нууцар авч ирэд, тедниг хулдж авсн Деед Эзиг холх. Ти-игэд тедн бийэн шулунар цаажла хархулх. ²Кесг улс теднэ аля йовдлыг дахх. Теднэс көлтэ өмтн Үннэ хаалһиг муурулх. ³Иим багшнр хармч зангасн көлтэ худл үг келэд танас олз авх. Кесг цагтан теднэ Зарһчнь белн билэ. Тедниг цаажлх Алач нөр уга сууна.

⁴Яһад гихлэ, Бурхн нам килнц кесн элчнрэн чигн хээрлгго үксн улсин ормд хайсмн. Тендэн тедн цевөр күлэтэ харһуд сууна, Зарһин өдр күлэжэнэ. ⁵Бурхн кезэңк орчлнгиг чигн хэ-эрлсн уга. Тер килнцтэ улсин һазрур усна аюл илгэв. Зуг Бурх-нла чик седклэРН бээтн гиж эмтиг сурһдг Ноахиг болн дөкэд долан күүг Бурхн аврсмн. ⁶Бурхн Содом болн Гомора гидг бал-һсдиг гемшөһэд, хөөтк килнцтэ улст үлгүр болтха гиһэд һалар шатасмн. ⁷Зуг чик седклтэ Лотыг аврсмн. Килнцтэ улсин цалдн йовдлмуд Лотын седклинь дарсмн. ⁸Эн чик седклтэ Лот тедн дунд бээһэд, йос эвддг йовдлмудынь үзэд, теднэ тускар соңссн цагтнь өдр ирвэс седклднь му болдг бээж. ⁹Деед Эзнд иткдг улсин сөрлһнэс яһж харсхинь болн хар саната улсиг Зарһин өдр иртл яһж оньдиндөн бэржэхинь Деед Эзн меднэ. ¹⁰Цогцин бузр седвэрмүдэр бээдг болн Бурхна йосиг холдг улсиг Бурхн онц кевэр цаажна.

Тиим улс эср болн ик саната. Тедн Бурхна алдр элчнриг* му келхэс ээхш. ¹¹Бурхна элчнр тиим улсас улм ик күчтэ болвчн, деми багшнриг му келхш Деед Эзнэ өмн гемшөхш**. ¹²Эн улс ухан уга, бэргэд алгдх мал мет төрхэрэ медсэРН йовдлмуд хар-һна. Эдн бийснь эс меддг юмиг му келнэ. Эдн мал кевтөһөр алгдх. ¹³Эдн талдан улсиг яһж зовала, тиигж бийснь зовлңган эдлж цаажлгдх. Эдн өдрин дуусн нэр-наадан кеһэд байрлна, эрkdэд хуульч йовдлмуд кенэ. Эн учрар эдн таднла хамдан хот уусн цагт тадниг һутаһад неритн муурулна. ¹⁴Эдн күүкд улсиг

* Бурхнас көөгдсн элчнрин тускар чигн келгдсн болх.

** Онданар умшхла, Бурхна элчнр көөгдсн элчнрэс улм ик күчтэ болвчн, тедниг му келж Деед Эзнэ өмн гемшөхш.

үзхлэрн, аля яһж кехэн ухална. Эн улс килнц кешэд цадцахаш. Эн деми багшнр батар иткдго улсиг килнцд уһана. Эдн хармч болхд дасхгдсмн. Эдн харалд туссн улс. ¹⁵ Деми багшнр чик хаалһасн хажһһэд, Босрин көвүн Балам гидг аэлдэчин хаалһар йовна. Эн аэлдэч мөнгнд дурга билэ, тер мөнгиг хар саната йовдл кесндэн авдг билэ. ¹⁶ Балам эврәннь килнцэсн кэлтэ бурушагдж. Энүнэ элжгн күүнэ келэр келэд, аэлдэчин ухан уга йовдлыг зогсав.

¹⁷ Эн улс хагсж одсн булг мет, салькнд туугдсн үүлн мет. Бурхн теднд харнһуһар бөөдг орм белдж. ¹⁸ Эдн ик саната, эргү үгмүд келэд, цогц махмудын му седвөрмүд олзлна. Хажһр хаалһасн чик хаалһд шинкэн орсн улсиг хавхдан бэрж авхар тиигнэ. ¹⁹ Эдн әмтнд сул жирһл өгнөвидн гилднэ, зуг бийснь кү үрэдг му авъясмудын мухла болна. Яһад гихлэ, күн юмнд диилгдсн болхла, тер юмна мухла болж үлднэ. ²⁰ Кемр күн Мана Деед Эзн болн Аврач Исус Христосиг медсәр орчлнгин бузр йовдлмудас сулдсн хөөн дәкн терүндэн оралдж диилгдхлэ, тер күүнэ бөөдл урдк бөөдлэсн улм му болна. ²¹ Учрнь эн: тедн чик бөөдлин хаалһиг медэд, әрүн заавриг үлдэхин ормд эн хаалһиг эс медсн деер болх билэ. ²² Эн учрсн йовдлын тускар үлгүрт: «Ноха бөөлжсндэн хәрү ирдг», болн «Уһагдсн һаха дәкн бальчгт ордг» – гиж чикәр келгдженэ.

Деед Эзн дәкн ирхин тускар

3 Хәәртә үүрмүд, хойрдгч бичгән таднд бичжәнәв. Эн хойр бичгт би тана уханд тодлулж цевр сана-седкл сергәхәр бөөлөв. ² Әрүн аэлдэчнрин кезәнә келсн үгмүдиг болн тана апостолмудар дамжж келсн Деед Эзнә болн Аврачин заквриг тадн тодлтха гижәнәв. ³ Хамгин түрүнд медтн: Сүл өдрмүдт танар наад бәрдг му седвәрәр бөөдг кесг улс һарч ирх. ⁴ Тедн: «Исус Христос ирнәв гилү? Тертн альдв? Мана өвкнр кезәнә үкж одла. Зуг орчлн үүдснәс авн цугнь нег кевәрн бөөһәтә», – гиж келцхәх. ⁵ Тенгр һазр хойриг Бурхн үгәрн кезәнә үүдәж гисн үнниг тедн медә бөөж керглхш. Һазр уснас болн усар дамжад үүдәгдж. ⁶ Эн учрар бас усар эс гиж усна аюлар тер цагт бөөсн орчлн уга кегдж. ⁷ Һалар шатагдхин төлә өдгә цагин тенгр һазр хойр тер Үгәр чигн хадһлгдж бөөнә. Килнцтә улс засглгдх болн уга кегдх цаг күртл тенгр һазр хойр хадһлгдж бөөнә.

⁸Зуг энүг бичэ мартгн, хээртэ үүрмүд. Деед Эзнд нег өдр миңһн жил мет болна, миңһн жил негхн өдр мет болна. ⁹Деед Эзн ирхв гиж өгсн үгэн күцэхдэн удхш. Зэрмснь Энүг уджана гинэ. Зуг Деед Эзн тадниг уданд теснэ. Яһад гихлэ, Деед Эзн иим саната: Кен чигн күн бичэ үктхэ, цуг улс килництэ жирһлэн үлдэтхэ. ¹⁰Деед Эзнэ өдр генткн сөөһөр ирдг хулхач метэр ирх. Тенгр ик күркрэнд уга болж одх. Тенгрт бөөдг тоотнь: нарн, сар, одд һалд шатж одх. Һазр деер бөөсн юмн һазрта хамдан шатх. ¹¹⁻¹²Кемр цугнь тиигж каархла, тадн ямаран улс болх зөвтөвт? Бурхна өдриг күлэхэд, Терүнэ ирлһиг эрүн седклэрн үзхэр седжэх цагт бийэн Бурхнд нерэдэд эрүн жирһлэр бөөтн. Тер өдрт тенгр шатад уга кегдх, сар, нарн, одд һалд хөөлж одх. ¹³Зуг бидн шин тенгр һазр хойриг күлөжөнөвидн. Энүг Бурхн өгнөв гилэ. Тенд эмтн Бурхна заасар оньдиндэн бөөх.

¹⁴Эн учрар ирхинь күлэхэд, Бурхна өмн цевр болн буру уга болхар зүктн. Бурхнла эвэр бөөхөр шунтн. ¹⁵Деед Эзнэ удан тесвр маднд авргдх арһ өгчөнэ гиж тоолтн. Мана хээртэ ах Павел бийднь өггдсн цецн ухаг олзлад, эн төрин тускар бас бичлэ. ¹⁶Павел энүнэ тускар бичг болһндан бичлэ. Павелын бичгүдт зэрм медгддго юмн бөөнэ. Кесг мунхг болн багар иткдго улс энүг Бурхна Бичгин нань чигн тасрхала эдл хажһр цөөлһнэ. Тиигэд тедн бийэн үклүр өөрдүлнэ.

¹⁷Тегэд хээртэ үүрмүд, энүг медэд бийэн саглтн: Йос эвддг улсин эндү тадниг авлдг болвза, тадн бат итклэн гееввзэт. ¹⁸Зуг Мана Деед Эзн болн Аврач Исус Христосиг медлһнд болн Терүнэ цаһан сананд цааранднь өстн. Эндр өдр болн оньдиндэн Тер тууртха! Тиигтхэ!